

## UN'ATERA CHENA

Su fatt'est chi s'abba non si frimmat  
 nemmancu in su mare si reduit  
 est sa voluntade 'e sos mortos  
 chi ammasedat sas pedras  
 e-i sas arveres ficchit  
 e imbenujat  
 intesu nd'azis berbos  
 in sa trona 'e sos chelos?

Oe so andadu a su frailarzu  
 a m'accontzare su coro  
 a fiamma 'e fodde  
 pagu trabagliu inue 'e Vulcanu  
 sas istinchiddias bolan  
 e istoigas ruen.

Eppuru sun in fiore sas carrelas  
 reulas de ancas lijas  
 cun coronas de fozittas chene coro  
 boghes de ispina  
 laras de chera  
 cun determinu su fiorarzu  
 ammattulat promissas  
 unu soddu una rosa  
 pro un'ateru unu lizu  
 natura morta  
 in su vasu 'e familia.

Su 'entu 'erettu andat istraccu  
 s'est increschidu 'e su cannedu redossu  
 su boidu a boltas  
 isterret raighinas nodosas.

Ma como mi tramudo in leone  
 sos canes atzettan sempre  
 una chena 'e trabagliu  
 no' a totu sas pascas  
 si podet sacrificare anzone.

## UN'ALTRA CENA

*E' che l'acqua non si ferma / nemmeno nel mare si placa / è la volontà dei morti  
 / che ammansisce le pietre / e gli alberi innalza / e abbatte / avete sentito voci  
 rintonare / dall'alto dei cieli?*

*Oggi sono stato dal fabbro / per riaggiustarmi il cuore / al fuoco del mantice  
 / poco lavoro da Vulcano / le scintille volano / e ricadono sterili.*

*Eppure le strade sono in fiore / teorie di gambe lisce / con corone di petali senza  
 cuore / voci di spina / labbra di cera / deciso il fioraio / fa mazzi di promesse /  
 un soldo per rosa / un altro per un giglio / natura morta / nel vaso di famiglia.*

*Il maestrale si trascina fiacco / stufo del canneto cocciuto / a volte il vuoto /  
 stende radici nodose.*

*Ma ora mi trasformo in leone / i cani accettano sempre / una cena di lavoro /  
 non per tutte le pasque / si può sacrificare l'agnello.*